



S.D.

H.M. 175.

h. 116











# LAOIDHEAN



G. FARCHARSON.

*Gillea puig*

OBAN: JAMES MILLER.



LAURISTON CASTLE  
LIBRARY ACCESSION



## ORAN NA SAORSA.

AIR Fonn. "*Whistle o'er the lave o't.*"

Togam fonn, a bhios neo-throm,  
Togam fonn, a bhios neo-throm,  
Togam fonn, a bhios neo-throm,  
Togam fonn air trècair.  
Bha mi caillte, 's rinn mo shaor';  
Bha mi 'm thràill a's rinn mi saor;  
Bha mi aineolach, a's baoth,  
'S rinn mi gaolach, eòlach.

Bha mi greis air feadh an t'saogh'il,  
A' dian ruith as deigh na gaoith;  
'S ged bha e mar fhaileas fhaoin,  
Bha mi daonnan 'n tòir air:  
'Gealltuinn sonais domh 's gach àm,  
'S mise ann am bhaothair' dall;  
'Ga làn chreidsinn chum mo chall,  
'S m' anam cailt gun trècair.

Bha mi greis' a'm thràill do n' pheac,  
Truaillidh, gràineil, a's mi chneasd,  
Uaibhreach, àrdanach, gun neart;  
'S air seach'ran ri dò-bheairt:  
Gun ghaol do Dhia, no da shluagh,  
Do 'aith'ntean ro naomh toirt fuath;  
'S a greasad le casan luath,  
D'hionnsuidh truaigh, a's dòruinn.

Bha mi greis am dhuine fia'ich,  
Am nàmhaid dhomh féin 's do Dhia;  
'Na aghaidh cogadh gu dian,  
A's an diobh'l ga m' threòrch';  
Bristeadh aith'ntean naomh gu dlùth,  
'S ri saor ghràs a cuir du chùl:  
Mar dhuin' air bhoile 's air bheag iùl,  
'G cuir tur chùl ri trècair.

Bha mi greis am dhuine dall  
 Mar nach biodh Dia 's Biobull ann,  
 Na fiù anam chum a chall,  
     Bha mo cheann gun eòlas;  
 An seòmar dorch a's e dùint',  
 Bha mise 'n sin air bheag iùl;  
 Gun mhothachadh, a's gun tur,  
     Bha mo shùilean còmhdaicht'.

Ach an Dia a bha dhomh còir,  
 'Sgap an duibhre 's theich an ceò;  
 Thainig solus glan an lò,  
     Chuir gòraich o'n inntinn:  
 Chunnaic mi gu soilleir rèidh,  
 Cho tur sgriot 's a bha mi fein—  
 Am chuspair air corruich Dhè,  
     'S dol gu leirsgrios mhillteach.

Be sud 'n solus bha dhomh cruaidh,  
 Spùinn a' chreach, sa dh' fhàg mi truagh;  
 Fo na casan chuir an uail;  
     'S thug mi nuas gu h-iosal:  
 Ciontach, gràineal, dìte cailt,  
 Bha mi anns na làmhan garg;  
 Ceartas 'g èigheach rium na fheirg;  
     "Tha thu dearbht fo 'n dìteadh."

"Ruig anis an saogh'l 'san diabh'l,  
 Roghnuich thu chum bhi gad' riaghl',  
 Ann an cridh, an cainnt, 's an gnìomh,  
     Fad roimh Dhia na firinn:  
 'S glaoth gu h'àrd riu air son dion,  
 'S teasairginn o'n chorruich fhia'ich,  
 Tha tùrlainn ort nuas o Dhia,  
     Chum do phian gu sìorruith."

Och! nan och! nach truagh mo chor!  
 Ciod a ni iad air mo shon?  
 Tur chaillte tha m' anam bochd!  
     Dol do 'n t'slochd gun iochdar;  
 Dhe! a Dhe gabh thus dhiom truas  
 Thoir saorsa do m' anam truagh!  
 Ann a'd fheirg na tilg mi uait  
     Chum na truaigh nach criochnaich!

Tha mi 'g aideachadh gu saor,  
 Bhi neo-airidh air do ghaol;—  
 Ann a'd cheartas 's mi a thoill  
 Bhi ga 'm chlaoidh gu siorruith:  
 Ach tha thusa làn iochd 'as gràis,  
 Nach eil d' fhocail sin ga radh;  
 'S nach eil thu riaraicht' le bas  
 Do mhie gradhach Iosa.

Fhad sa bhios m' Fhear-saoradh beo  
 Cha bhi mo dhòchas gun deo,  
 Nach d' rinn esan fhuil a dhort',  
 Chum trècair làn riarach':  
 Ruigidh mise bonn a' chroinn,  
 Air 'n do cheusadh e le m' ghreim;  
 'S gach ni ceangailt air mo dhruim,  
 A rinn mi gu mi-mh'ail.

'S guidhidh mi air Dia nan gràs,  
 Trècair nochd dhomh air a sgàths',  
 Chaidh thogail air a chrann 'n àird;  
 'S esan phàidh na fiachan;—  
 'S esan dh'àrdaich 'n lagh ro cheart,  
 Thug moir ghloir do Dhia nam feart,  
 Leig ris naomhachd na deadh dhreach,  
 'S do n' cheartas làn dioladh.

'S air dhomh bhi dur shealltuin suas,  
 Ri moir fhullunnas an Uain,—  
 Claidheamh ceartas Dhe g'a bhual,  
 B'uamhasach an ni e;  
 'S air leam gu 'n cual mi e'g radh;  
 "Faic; O faic mi ann a'd ait!  
 Faic mo phiantan air do sgàths'!  
 'N toir thu gradh do chri dhomh?"

Thuit an t'eallach dhiom gu luath,  
 Car air char chaidh sìos do n' uaigh;  
 Chaidh i as an t'sealladh uam,  
 'S cha ghluais i gu dilinn.  
 Ghrad thaislich mo chridhe cruaidh,  
 'S deoir mo shuilean shruth gu luath,  
 Thain maoth'chadh air m' anam truagh,  
 'S bha mi buailt' da rìreadh.

'S ged bha 'n sealladh ud dhomh goirt,  
 'S mi gu craiteach air mo lot';  
 Thug leigheas do m' anam bochd,  
 'S chaidh gach sprochd air diehuin:  
 Sheas mi 'n sin gu h'aobhach suas,  
 An caomh ghairdeanaibh an Uain;  
 'S spiorad gaolach chuir e nuas,  
 Thoir a' athnua'chadh cri dhomh.

Chuir esan sheul orm gu luath;  
 Gur leis fein mi a so suas;  
 Chum 's gu 'n leughainn e 's gach uair,  
 Gu bhi suaimhneach sìochail:  
 'S mis a tha fo chomain mhoir,  
 Bhi ga ardachadh gach lo;  
 'S ann d'a aobhair, a's d'a ghloir,  
 Dhomh is coir bhi dileas.

'S leis-san mi mo charaid caoin,—  
 'S esan cheannaich mi gu daoir;  
 Mo chorp, 's m' anam 's leis faraoir,  
 'S leis mo mhaoir gu h'iomlan;  
 M' uil thalantan, a's mo neart,  
 'S leis gu h'uile le coir cheart:  
 Ga spuinne tha mi, a's ga chreach,  
 Le bhi seasamh diomhan.

Thoir-sa neart dhomh, agus treor,  
 Thusa Thi 's ro aird a'n gloir,  
 Chum air thalamh fhad 's is beo,  
 Mi bhi 'n comhnaidh dileas:  
 Cum-sa m' anam ann an gleus,—  
 Teas-ghradh lasadh suas le h'eud  
 Aigne sgiobalt, inntinn gheur,  
 Chum bhi treun 's an fhirinn.

Tha truaill'eachd, a's fuigheal peac',  
 'N saogh'l, a's satan rinm a gleachd;  
 'S mis a 'm thruaghan air bheag neart,  
 'S cho ro mheat gu stri riu:  
 Se am mealtaireachd, 's am foill,  
 Tha cuir uamhas orm, a's oilt;  
 Iad bhi 'm aighidh a co-bhoinn,  
 Ga m' shior chlaoidh, s ga m' sgith'chadh.

Tarruing 'm fagus tha an uair,  
 Nuair bhathair uil iad 's mhuir ruaidh,  
 'S sheasas mise thall air bruaich,  
     Gheibh orr buaidh gu dilinn:  
 'S theid mi steach measg ainglean Neamh  
 Gun smal, gun phreas an dreach Mhic Dhe  
 Gheibh mi clairsich an deadh ghleus;  
     'S gheibh mi eaidh fhiorghlan.

Gheibh cruin gloir nach searg 's nach crion;  
 Gheibh gach ni bhios thar mo mhiann,  
 M' anam sasaicht' ann an Dia;  
     Gun chianalas gun mhighean;  
 Ann an lathair fir mo ghraidh,  
 Shaor, 's a shabhail mi na bhaigh;  
 A's ameasg a chommuinn aigh,  
     Bhios an saimh neo-chriochnach.

'S tha mi feoraich dhibh a dhaoin,  
 Sibhse fathast tha do 'n t'saogh'l,  
 'N d' fhnaid sibh caraid tha cho caoin?  
     'N d' fhnaid sibh saoirs' cho fiachail?  
 Ciod a ni sibh aig a bhas,  
 Nuair a sgarar sibh gu brach,  
 O gach ni da 'n tug sibh gradh,  
     No bha sibh a miannach?

Mar 'ur cuibhrinn treigibh 'n saogh'l,  
 Cha n' eil e uil ach mar ghaoth;  
 Cha n' eil do 'r n' an'maibh bheir saors,  
     Ach an gaol tha siorruith:  
 Sith, no sonas cha n' eil ann,  
 Ach na gheibhear tre na chrann;  
 Treigibh so, a's tha sibh cailt,  
     'S bidh sibh 'n gainntir iargalt,

'S sibh's mo chairdean, 's mo luchd daimh,  
 Cha leam is aill dol do Neamh,  
 'S sibhse fhagail as mo dheidh,  
     Ann an gaimhlean priosan:  
 Thigibh, thigibh chum an Uain,  
 Thigibh, mar na peacaich thruagh;  
 Thigibh, uile gu ro luath,  
     Tha e truacant dileas.

Bheir saor mhaith'neas duibh gu caoin,  
 O na mhallachd ni sibh saor;  
 Gabhaidh sibh an glacaibh ghaoil,  
 'S bheir dhuibh noamhachd fhiorghlan:  
 Ni e 'ur treor'chadh 's an rod,  
 'S bidh 'ur neart a reir 'ur lo,  
 Gus an ruig sibh riodh'chd na gloir,  
 Ann an solas siorruith.

---

## GAIRM DO NA NAOIMH.

AIR FENN. "*Scots wha hae wi' Wallace bled.*"

A naoimh a chaith tre iomadh cradh,  
 An aobhair Chrìosd ga'r pian gu bas;  
 Grad sheasaibh suas an uabhais blair,  
 Bidh buaidh, no bas 's an stri.  
 Beelschub ceann feadh' nan daoibh,  
 Tha teachd le feachd g'ur creach, 's g'ur claidh;  
 A's slabhraidh fhad an glaic a laimh,  
 A dheanamh thraillean dhibh.

Tha brataich Chrìosd air togail suas,  
 A chum's gu 'n tionailleadh gu luath  
 Gach uile neach o mheasg a shluaith,  
 A tha air chuairt 's an tìr:  
 Ach mall'chadh Mheros bidh an taic,  
 Ris gach cladhair bochd gun sprachd,  
 Chumas le ghealtachd e air ais,  
 Gun theachd amach le Crìosd.

Na h'ainm'ean chleachd a bhi g'ur roinn,  
 A bhiodh g'ur sgap g'ur creach, 's g'ur claidh,  
 Tilgibh fo 'r casan iad a chaoidh,  
 'S bithibh 'n co-bhoinn na sìth:  
 'S cogaibh mar bhrathairean taobh ri taobh,  
 An aonachd cridh, 's an ceangail caoin;  
 'Ni chuireas air 'ur naimhdean sgaoim,  
 'S ni iad gun sgoinn, 's gun chlithe.

Air thoiseach oirnn tha 'r Ceannard treun,  
 'S claidheamh da fhaobh'r na laimh tha geur  
 Air an each gheal ga chuir 'n a steud,  
 'Cuir eislean air na daoibh :  
 Ged ifrinn, 's talamh bhiodh 'n an aon,  
 Chum aobhair shaltairt mar ni faoin,  
 Ni clabair chas dhiubh air an raon ;  
 'S bidh iad 'n am faobh nan sin.

Le creidimh fìor an Ios' Mac Dhe ;  
 Le dochas daingean dìongmhalt treun ;  
 Seasaidh suas ri guailleann cheil,  
 Thoirt reit a's saors do 'r cloinn :  
 Le gradh do Chrìosd ga 'r cuir fo smachd  
 'S fhuil ro phriseil dhuinn 'n a taic,  
 Grad eiribh suas thoirt buaidh le gaisg,  
 Air creachadairean air tìr.

Le mothachadh air druidheachd peac ;  
 Gach uamhas 's buaras tha na thaic ;  
 Daoine truagh gun smuain a greas'd,  
 Chum peanaidh tha gun chrich :  
 Mosgailidh sinn le cabhaig suas,  
 'S 'g eigheach a Dhe gabh thus dhiubh truas !  
 Pillibh, o pillibh, dhaoibh, gu luath,  
 Tha sibh gu truaigh 'n 'ur sgriob !

Na peacaich tha dol seach gu truaigh,  
 Cridh seachranach ga 'n tarraing uainn ;  
 Togaibh 'ur suil ri Dia gu luath,  
 A chum 's gu 'n gluais a chri :  
 'S gun dean e spiorad dhortadh nuas,  
 A thaisleachadh nan cridh'chean cruaidh ;  
 A's gradh do Dhia chuir 'n ait an fhuath,  
 Thoirt saorsa bhuain a's sìth ;

Tha Dia a nis toirt aithn d' a shluagh,  
 Air Iericho bhi dol mu 'n cuairt :  
 Cuid bhallaichean nuair shuiteas nuas,  
 Bithidh an fhuaim ro bhinn :  
 Ged bhiodh gach namhaid an co-bhoinn,  
 Chum aobhair Chrìosd chuir teann a 'm boinn ;  
 Nuair dheireas esan suas le sgoinn,  
 Bristidh gach boinn gun stri.

Gach uile obair tha 's an t'saogh'l,  
 Tha obair Chriosd dol roimh gach aon;  
 'S neach nì searbhaids da le gaol,

Mhoir aoibhnis tha do-inns:  
 Tha riarachadh 'na chridhe blath,  
 Gu bheil e saothreachadh do ghnath,  
 Chum an'maibh cailt a thoirt o bhath,  
 'S thoirt sabhailte gu tir.

A mhaighistir tha caoimhneal seamh;  
 'S chuid tuairasdail dluth-fhuaght' ri feum;  
 Tha aoidhealachd a ghnuis mar Neamh,  
 'G cuir leumanaich 'n a chri:  
 'S nuair sheasas e roimh n' Bhreitheamh mhoir;  
 'S na h' an'maibh shaoradh leis 'n a choir,  
 'S chluinneas e "s maith" o bhriathran bheoil,  
 Gheibh cruin na gloir nach crìon.

O m'anam dirich suas tre 'n speur,  
 Mar iolair dhitealaich's gu treun;  
 A's ruig le d' thriall gu Dia 's na Neamh,  
 A bheir dhuit gleus gun dith:  
 'S nuair philleas tu le d' luchd air t'ais,  
 Mar aingeal soills, a'd lochran laist,  
 Chum an'maibh cailt a laimh a bhraid,  
 Thairt dhachaidh dhionnsuidh Chriosd.

## CHA N' EIL ANN AIT DO DHA.

AIR FOKK. "*There's nae luck about the house.*"

Cha n' eil ann ait do dha, cha n' eil,  
 Cha n' eil ann ait do dha;  
 Se Dia amhain an cridh is leis,  
 'S cha n' eil ann ait do dha:  
 Is uime sin a shaogh'l na bleid,  
 Be 'greasad uam na thrath;  
 Cha n' fhaigh fardach an so thu 'm feasd,  
 Cha n' eil ann ait do dha.



Do Dhia, a's do chairdean caoimh,  
 Gheibh caoimhneas ann a's blaths;  
 Ach failt, no furan do na daoibh,  
 Cha n' fhaigh a chaoidh 's an aits,  
 "A shlanuighear, a Mhic an aigh,  
 Gheibh thus an t' ait is aird;  
 'S each bithidh aig do chosan sìos,  
 Gu tioral air do sgaths."

A spioraid ghrasmhoir uasal naoimh,  
 Bi thusa chaoidh 's an aits,  
 Is fogair mach gach iodhail peac,  
 'S na leig e steach gu brach:  
 Do theampull fein, a's d'ionad taimh,  
 Biodh e 's gach am do ghnath;  
 'S na ceadaich thus gu 'n tig air smal;  
 Faic t'iomhaidh ann mar sgathn.

'S mu their aon neach, a tha n' 'ur measg;  
 "Tha agams ait do dha;"  
 Their mise ris "cha n' eil thu ceart,  
 'S air seacharan ata."  
 Cha dean thu mammon, agus Dia  
 A riarachadh gu brach:  
 Is their mi riut a 'm briathran cneasd,  
 "Tog dheth, tog dheth 'na thrath."

A dhaoine truagh, a tha gun chiall,  
 'N cum sibh o Dhia a choir;  
 'S am faigh n' ur cridh'chean fardaich fhiall,  
 Ach 'n saogh'l, an diabhl, 's an fheoil?  
 Bhur cridheachan, fosglaidh gu fiall,  
 'S ann do ard Thriath na gloir;  
 Is leigibh leis-san tigh'nn a steach,  
 Le a chuid feachd tha coir.

Thig beath, a's sith, a's sonas leis,  
 Thig teasairginn, a's slaint;  
 Liubhraidh an namhaid dha a chreich,  
 'S teichidh le geilt, 's le nair:  
 Nuair anns an arois gheibh e buaidh,  
 Suas tegaidh bhrataich ard;  
 Ceart ionann 's mar gu 'n labhairt leis;  
 "'S mis is Rìgh san aits."



Anns an t'saoghal ata ri teachd,  
 Gun teagamh tha da ait;  
 Ach ait dhiu sin, se 'n tait is mios,  
     Leir-sgrios a's truaigh, a's cradh.  
 'S an darna ait, 's ann ann tha Criosd;  
 Tha tioralas, is blaths:  
 Se sin an t' ait, 's am bi na naoimh,  
     Thug aoigheachd cridhe dha.







































